



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011- 172 /'03
Sarajevo, 14.02.2003.god.**

ZAPISNIK

**2. sjednice Doma naroda Parlamentarne skupštine Bosne i Hercegovine,
održane 13. februara 2003.godine**

Sjednica je počela sa radom u 11,10 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 15 delegata.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon diskusije u kojoj je učestvovao delegat Mustafa Pamuk, jednoglasno je usvojen sljedeći dnevni red

D N E V N I R E D

1. Delegatska pitanja
2. Zapisnik sa konstituirajuće sjednice Doma naroda Parlamentarne skupštine BiH
3. Zamjena članova komisija Doma naroda
4. Prijedlog zakona o uvozu i izvozu oružja i vojne opreme, član 100. – predlagač Vijeće ministara.
5. Zakon o izmjeni Zakona o državljanstvu BiH – Visoki predstavnik
6. Izjašnjavanje Doma naroda o razmatranju po članu 99. Poslovnika Doma naroda Zakona o nadzoru kvaliteta određenih proizvoda pri uvozu i izvozu – predlagač Vijeće ministara
7. Prijedlog zakona o ministarstvima i drugim organima uprave Bosne i Hercegovine, član 100. – predlagač Vijeće ministara.

Ad-1: Delegatska pitanja.

Delegat Tomislav Limov postavio je pitanje ministru u Ministarstvu za ljudska prava i izbjeglice Vijeća ministara BiH:

“Koliko i koji su povratnici imenom i prezimenom po povratku u prijeratna prebivališta stalno zaposleni u javnim preduzećima Elektro-privreda, Pošta i Telekomunikacije Herceg Bosne, Republike Srpske i Bosne i Hercegovine, te u domovima zdravlja na području

sljedećih opština: Zvornik, Višegrad, Derventa, Teslić, Bugojno, Travnik, Kakanj, Stolac, Glamoč i Čapljina?"

Delegat Velimir Jukić postavio je pitanje Ministarstvu komunikacija i prometa Vijeća ministara:

"Koliko je izdato dozvola za međunarodni prijevoz roba i kakav je način raspodjele tih dozvola?"

Delegat Osman Brka postavio je pitanje Vijeću ministara koje se odnosi na Zakon o uvozu i izvozu oružja i vojne opreme

"Da li se, kada se govori o međunarodnim konvencijama o prometu oružjem, na Bosnu i Hercegovinu odnosi embargo koji imaju zemlje Jugoistočne Evrope?"

Ad-2: Zapisnik sa Konstituirajuće sjednice Doma naroda Parlamentarne skupštine Bosne i Hercegovine.

Rasprava nije vođena.

Jednoglasno je usvojen zapisnik sa Konstituirajuće sjednice Doma naroda Parlamentarne skupštine Bosne i Hercegovine.

Ad-3: Zamjena članova komisija Doma naroda

Rasprava nije vođena.

Dom naroda je jednoglasno usvojio zamjenu članova komisija Doma naroda, i to:

U Ustavno-pravnu komisiju umjesto Gorana Milojevića, Nade Radović.

U Komisiju za finansijske i administrativne poslove umjesto Nadeta Radovića, Goran Milojević, a umjesto Ilije Filipovića, Velimir Jukić.

Ad-4: Prijedlog zakona o uvozu i izvozu oružja i vojne opreme, član 100. – predlagač Vijeće ministara

U diskusiji su učestvovali delegati: Osman Brka, Goran Milojević, Hasan Čengić, Zoran Spasojević i Mustafa Pamuk.

Dom naroda je jednoglasno usvojio Zakon o uvozu i izvozu oružja i vojne opreme.

Ad-5: Zakon o izmjeni Zakona o državljanstvu BiH – Visoki predstavnik

U diskusiji su učestvovali delegati: Zoran Spasojević i Hasan Čengić.

Dom naroda je jednoglasno usvojio Zakon o izmjeni zakona o državljanstvu koji je proglasio Visoki predstavnik uz sljedeći zaključak delegata Hasana Čengića:

"Obavezuje se Vijeće ministara da što je u mogućem kraćem roku, a najdulje da za šest mjeseci pripreme izmjene i dopune ovoga Zakona kako bi on postao moderan Zakon koji bi omogućio da se naši građani ne diskriminiraju i kako bi se pitanje državljanstva riješilo po standardima mnogih evropskih država."

Ad-6: Izjašnjenje Doma naroda o razmatranju po članu 99. Poslovnika Doma naroda Zakona o nadzoru kvaliteta određenih proizvoda pri uvozu i izvozu – predlagač Vijeće ministara.

U diskusiji su učestvovali delegati: Vinko Radovanović i Hilmo Neimarlija.

S obzirom da nije bilo entitetske većine, Dom naroda nije usvojio da se Zakon o nadzoru kvaliteta određenih proizvoda pri uvozu i izvozu razmatra po članu 99. Poslovnika Doma naroda. Zakon će se razmatrati u redovnoj proceduri.

Ad-7: Prijedlog zakona o ministarstvima i drugim organima uprave Bosne i Hercegovine – predlagač Vijeće ministara, član 100.

U diskusiji su učestvovali delegati: Halid Genjac, Zoran Spasojević, predsjedavajući Vijeće ministara Adnan Terzić, Hasan Čengić, Mustafa Pamuk, Goran Milojević i Nade Radović.

Dom naroda je sa 13 glasova za i 2 glasa protiv usvojio Prijedlog zakona o ministarstvima i drugim organima uprave Bosne i Hercegovine uz sljedeći zaključak: delegata Halida Genjca i Zorana Spasojevića

“Dom naroda Parlamentarne skupštine Bosne i Hercegovine zadužuje Vijeće ministara Bosne i Hercegovine da u roku od 7 dana od dana stupanja na snagu Zakona o ministarstvima i drugim organima uprave Bosne i Hercegovine dostavi u parlamentarnu proceduru, po članu 100. Poslovnika Doma naroda, Prijedlog izmjena i dopuna Zakona o ministarstvu i drugim organima uprave Bosne i Hercegovine u kojima će se uzeti u obzir u sugestija Centralne banke BiH u vezi sa članom 11. alineja 11. i 12. i u potrebnom dijelu usaglasiti ovaj Zakon sa Zakonom o Centralnoj banci”, i

delegata Hasana Čengića:

"Zadužuje se Vijeće ministara BiH da prilikom realizacije Zakona o ministarstvima i drugim organima uprave Bosne i Hercegovine osigura koordinaciju funkcija BiH iz člana 29. ovoga Zakona na teritoriji Bosne i Hercegovine i izvršenje međunarodnih obaveza, predstavljanja i saradnje BiH prema evropskim i drugim institucijama u svijetu.

Ostvarujući ovaj zaključak Vijeće ministara će voditi računa da tranzicija funkcija i transformacija institucija bude u skladu sa principima efikasnosti i ekonomičnosti, te međunarodne kompatibilnosti.

Vijeće ministara se obavezuje da će obaveze iz člana 28., 29., 30. i 31. izvršiti na odgovarajući način.

Vijeće ministara će u roku od 90 dana Domu naroda Parlamentarne skupštine podnijeti cjelovit izvještaj o načinu realizacije ovoga zaključka."

Sjednica je završena u 15,45 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić, s.r.

PREDSEDavajući
DOMA NARODA
Velimir Jukić, s.r.